

Zadaci za vježbu, 28.09.2015.

Svi zadaci se mogu uraditi primjenom operatora i izraza koje smo radili na prvom času.

Zadaci označeni simbolom (*), po našem mišljenju, složeniji su od ostalih zadataka.

- Neka su x , y , t i v cijelobrojne promjenljive u programu. Štampati sljedeće izraze, tačno kako su napisani u tabeli:

Primjer 1	Primjer 2	Primjer 3	Primjer 4	Primjer 5
$3\text{cm } x$ $5 \ 10$	$100 \ t$ $1949 \ v$	$x \ 25$ $x \ y$	$2\text{kg } x$ $x \ y$	$3\text{m } 10\text{dm } 2 \ \text{cm}$ $x \ v \ y \ t$

- Data je stranica kvadrata a . Naći njegov obim i površinu.
- Date su stranice a i b pravougaonika. Naći njegov obim i površinu.
- Date su osnovice a i b i visina trapeza h . Naći njegovu površinu.
- Data je zapremina V i masa M nekog tijela. Odrediti njegovu gustinu.
- Za neku državu poznata je njena površina i broj stanovnika. Odrediti gustinu naseljenosti te države.
- Dato je rastojanje u centimetrima. Odrediti koliko cijelih metara ima u tom rastojanju. Npr. 324cm imaju 3 metra.
- Napisati kod koji za dati pozitivni realni broj r računa i štampa obim i površinu kruga poluprečnika r .
- Napisati kod koji za date stranice a , b i c kvadra računa površinu i zapreminu kvadra.
- Napisati kod koji za dati poluprečnik osnove r i visinu H prave kupe računa površinu i zapreminu kupe.
- Dimenzije pravougaonika su 543 i 130. Koliko kvadrata stranice 65 je moguće izrezati iz tog pravougaonika?
- Dat je četvorocifreni prirodan broj. Napisati kod koji štampa cifru stotina tog broja.
Napomena: npr. za broj 4647, posljednja cifra 7 se dobija kao ostatak pri dijeljenju datog broja sa 10.
- Dat je četvorocifreni prirodan broj. Napisati kod koji štampa zbir kvadrata cifara tog broja.
- Dat je trocifren broj. Odrediti broj koji se dobija zamjenom prve i posljednje cifre.
- Dat je četvorocifren broj. Odrediti broj koji se dobija zamjenom treće i druge cifre. Npr. od 5804 dobija se 5084.
- (*) Dat je realan broj a . Koristeći samo operaciju množenja i pomoćne promjenljive, izračunati:
 - a^7 za 4 operacije
 - a^{10} za 4 operacije
 - a^{21} za 6 operacija
 - a^{64} za 6 operacija
 - a^3 i a^{10} za 4 operacije
 - a^2 , a^5 i a^{17} za 6 operacija
- (*) Date su cifre dva broja: jednog trocifrenog (a_3 , a_2 i a_1) i jednog dvocifrenog (b_2 i b_1). Cifre a_1 i b_1 su cifre jedinica, cifre a_2 i b_2 su cifre desetica, a a_3 je cifra stotina. Ako je poznato da je zbir ta dva broja trocifren broj, odrediti cifre zbita.
- (*) Dat je cijeli broj k ($1 \leq k \leq 180$) i niz cifara $10111213\dots9899$ koji se dobija kada se svi dvocifreni brojevi redom zapišu jedan iza drugog. Za dato k , odrediti dvocifreni broj koji sadrži k -tu cifru u datom nizu. Npr., za $k=7$, traženi broj je 13.
- Fudbal** – Petar je posmatrao fudbalsku utakmicu i na papiru zapisivao rezultat sa semafora poslije svakog gola. Npr. mogući zapis je: 1:0, 1:1, 1:2, 2:2, 2:3. Zatim je Petar sabrao sve zapisane brojeve: $1+0+1+1+1+2+2+2+3=15$. Na osnovu datog zbita,


- napišite program koji određuje koliko je golova bilo na utakmici. **Ulaz:** U jednom redu dat je cijeli broj N – Petrov zbir ($1 \leq N \leq 1000$). **Izlaz:** Stampati jedan cijeli broj – broj golova.
20. **Rođendan** – Za dati datum i dati rođendan, odrediti koliko je dana još ostalo do rođendana. **Ulaz:** U prvom redu su dva cijela broja – dan i mjesec rođendana. U drugom redu su tri broja – datum (dan, mjesec i godina). **Izlaz:** Stampati jedan cijeli broj – broj dana do rođendana.

21. Na svoj jedanaest rođendan, Harry Potter je saznao da nije običan dječak već da je pred njim uspješna čarobnjačka karijera. U početku mu nije bilo lako jer nije znao ni neke najobičnije stvari iz čarobnjačkog svijeta, kao npr., kako izgleda i koja je vrijednost novca kojim se plaća u tom svijetu. Zato mu je Rubeus Hagrid objasnio kako stoje stvari u čarobnjačkoj ekonomiji. On je rekao: „U čarobnjačkom svijetu sve se plaća u kovanicama. Postoje tri vrste kovanica, zlatni galeoni, srebrni srpovi i bronzani knutovi i među njima vrijedi sljedeći odnos: **jedan galeon vrijedi sedamnaest srpova, a jedan srp dvadeset devet knutova**“. Napiši program koji za zadatu količinu galeona, srpova i knutova koju Harry ima na svom računu štampa kolika je ukupna količina tog novca izražena u knutovima. **ULAZ:** U jednom redu ulaza nalaze se, odvojena razmakom, tri prirodna broja G, S i K ($0 \leq G, S, K \leq 50$), gdje je G količina galeona, S količina srpova, a K broj knutova na Harryjevom računu. **IZLAZ:** U jedini red izlaza stampati prirodan broj koji predstavlja traženu količinu novca.

Primjeri ulaza i izlaza:

ulaz	ulaz	ulaz
1 0 0	1 1 0	1 1 1
izlaz	izlaz	izlaz
493	522	523

22. (*) Domino se igra pločicama pravougaonog oblika, takvim da se na svakoj pločici nalaze dvije oznake. Svaka oznaka sastoji se od određenog broja tačkica. Broj tačkica zavisi o veličini skupa domina. U skupu domina veličine N broj tačkica na jednoj pločici može biti bilo koji broj između 0 i N, uključivo. U jednom skupu ne postoje dvije pločice potpuno jednakih oznaka, bez obzira na redoslijed oznaka na pločici. U potpunom skupu veličine N nalaze se sve moguće pločice sa oznakama 0 do N. Npr. potpuni skup domina veličine 2 sadrži šest pločica sa sljedećim oznakama:



Napišite program koji će odrediti ukupan broj tačkica na svim pločicama u potpunom skupu domina veličine N. Vaš program treba da učita jedan prirodan broj N ($1 \leq N \leq 1000$) – veličinu potpunog skupa domina. Program treba da štampa ukupan broj tačkica na svim pločicama u potpunom skupu domina veličine N.

Primjeri ulaza i izlaza:

ulaz	ulaz	ulaz
2	3	15
izlaz	izlaz	izlaz
12	30	2040